

## Transkription von Stadtbucheintrag KIL 1491b

Ort, Datierung: Kiel, 1491/1492

Signatur: Stadtarchiv Kiel, Kieler Denkelbok, 1465-1588, S. 110/b

Inhalt: Clawes Mellevelt: Rentenbeleg; Hermen Bulle: Rentenbeleg; Hans Lutke: Rentenbeleg

---

anno (et cetera) xcj<sup>o</sup>

It(em) Clawes mellevelt hefft vorkoft vnnd vorlaten Clawes molles / kinder(e)n vnnd(e) eren rechten eruen ey(n)ne halue m(a)rc lub(esch) Jarliker re(n)te / vp alle sunte Mertens fest tho betalende vor soz m(a)rc ver schil/linghe wedder tho kopende In vn(n)d vthe sym(e) hoppe(n)haue be/legghen In dem(e) he(n)nighes Rade vnnd(e) wen Clawes erbenom(ed) edder / syne erue(n) den wedderkop don willen denne scholen se den vor/mu(n)der(en) der kinder edder den kinder(e)n effte synen <sup>1</sup> eren eruen / eyn halff Jar(e) tho vor(e)n tho seggen vnnd(e) gheue(n) den houeth/su(m)men mydt der bedageden renthen vth in eynen su(m)men /<sup>2</sup>

anno (et cetera) xcij<sup>o</sup>

It(em) hermen bulle hefft vorkofft vnnd(e) vorlaten den vorsten/deren desz schonevar(er) gilde vnnd(e) eren nakamelinghen / eyn halue m(a)rc lub(esch) Jarliker rente vppe alle pinxsten feste / to betalende vor(e) iiij s(chillinge) vnnd(e) soz m(a)rc wedder to kopende / In vnnd(e) vthe sym(en) hoppe(n)haue belegen vp vor anne / poggewisken welde vnnd(e) wen hermen erbenom(ed) edder / syne erue(n) den wedderkop don willen denne scoln se / den vorstender(e)n erbenom(ed) eyn halff Jar(e) tho vor(e)n to segge(n) / vnnd(e) gheue(n) vth den houethsu(m)men mydt der bedageden / renthen In eynem(e) su(m)men /

It(em) hans lutke hefft vorkofft vnnd(e) vorlaten den vorstender(e)n / den almissen in sunte Nicolawesz kerken bynne(n) dem(e) kyle / eyne m(a)rc lub(esch) Jarliker rente vppe alle sunte Mertens fest / to betalende vor xij m(a)rc lub(esch) wedder to kopende In vnnd(e) / vth sym(e) hoppe(n)haue belegen buten dem(e) densken dor(e) negest / by peter schroder haue wen hans erbenom(ed) edder syne / erue(n) den wedder(e)kop don willen denne scoln se den / vorstender(e)n eyn halff Jar(e) tho vor(e)n to seggen vnnd(e) / geue(n) den , houetsu(m)men mydt der bedageden renthen In eynem(e) / su(m)men desse hoff licht vp vor(e) anne poggewisken gude <sup>2</sup>

---

<sup>1</sup> Wort im Original gestrichen

<sup>2</sup> Text im Original gestrichen